



PRIMIO LIČNO
PREDSTAVNIK "PRINTEX"
04.05.2017
Lauć

Broj: 0101-7662-13-LOT 1./17
Sarajevo, 03. 05. 2017. godine

Na osnovu člana 72. stav (3) tačka f) Zakona o javnim nabavkama Bosne i Hercegovine ("Službeni glasnik BiH" broj: 39/14), u otvorenom postupku zajedničke javne nabavke robe: KOMPJUTERSKA OPREMA LOT 1: UNIVERZITET U SARAJEVU, na preporuku Komisije za provođenje postupka zajedničke javne nabavke broj: 0101-7662-12-LOT 1./17 od 28. 04. 2017. godine, rektor Univerziteta u Sarajevu je donio

ODLUKU o dodjeli ugovora drugorangiranom ponuđaču

Član 1.

Poništava se Odluka o izboru najpovoljnijeg ponuđača i dodjeli ugovora broj: 0101-7662-8-LOT.1./17 od 21. 03. 2017. godine, kojom se ugovor o javnoj nabavci robe-KOMPJUTERSKA OPREMA-LOT 1.-UNIVERZITET U SARAJEVU, dodijelio ponuđaču MMCC d. o. o. Džavida Haverića 7b, Sarajevo.

Član 2.

Prihvata se preporuka Komisije za javnu nabavku broj: 0101-7662-12-LOT 1./17 od 28. 04. 2017. godine i ugovor o javnoj nabavci robe-KOMPJUTERSKA OPREMA-LOT 1.-UNIVERZITET U SARAJEVU, **dodjeljuje drugorangiranom ponuđaču PRINTEX d. o. o.** Hasana Sušića 9 i 11, 71000 Sarajevo, čija ukupna cijena ponude iznosi: 31.962,00 KM bez PDV-a (slovima: tridesetjednahiljadadevetstinašezdesetdvije KM i 00/100), iz razloga što je u otvorenom postupku, ponuda navedenog ponuđača po rang listi odmah nakon ponude najuspješnijeg ponuđača MMCC d. o. o. Džavida Haverića 7b, Sarajevo

Član 3.

Drugorangirani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 4.

Ova Odluka će se objaviti na web stranici Univerziteta u Sarajevu www.unsa.ba (Javne nabavke).

Član 5.

Ova odluka stupa na snagu danom donošenja.

Obrazloženje

Na osnovu Sporazuma o provođenju postupka zajedničke javne nabavke, zaključenog između Univerziteta u Sarajevu (broj: 0101-7662/16 od 13. 12. 2016. godine) i Univerziteta u Istočnom

Sarajevu (broj: 4401/16 od 29. 12. 2016. godine), kao partnera u Projektu Erasmus + Projekat Re@WBC, Univerzitet u Sarajevu je proveo otvoreni postupak zajedničke javne nabavke robe: KOMPJUTERSKA OPREMA (Obavještenje o nabavci broj: 999-1-1-61-3-4/17 objavljeno na Portalu javnih nabavki dana 22. 02. 2017. godine) za potrebe Univerziteta u Sarajevu i Univerziteta u Istočnom Sarajevu.

Komisija za provođenje postupka zajedničke javne nabavke je izvršila rangiranje prihvatljivih ponuda ponuđača, koji su blagovremeno dostavili ponude, prema kriteriju najniža cijena tehnički zadovoljavajuće ponude, na slijedeći način:

R. br. na rang listi	Naziv i sjedište ponuđača	Ukupna cijena ponude
Prvorangirani	MMCC d. o. o. Sarajevo	28.886,00 KM bez PDV-a
Drugorangirani	PRINTEX d. o. o. Sarajevo	31.962,00 KM bez PDV-a
Trećerangirani-	R&S d. o. o. Sarajevo	33.078,00 KM bez PDV-a
Četvrtorangirani	PRIMAPROM d. o. o. Banja Luka	33.562,80 KM bez PDV-a
Petorangirani	"ELUR" d. o. o. Kiseljak	33.604,12 KM bez PDV-a

Na preporuku Komisije za javnu nabavku broj: 0101-7662-7-LOT 1./17 od 17. 03. 2017. godine, donesena je Odluka broj: 0101-7662-8-LOT 1./17 od 21. 03. 2017. godine o izboru najpovoljnijeg ponuđača i dodjeli ugovora ponuđaču MMCC d. o. o. Džavida Haverića 7b, Sarajevo za nabavku robe KOMPJUTERSKA OPREMA-LOT 1: UNIVERZITET U SARAJEVU.

Dana 21. 03. 2017. godine, navedena Odluka o izboru najpovoljnijeg ponuđača i dodjeli ugovora ponuđaču MMCC d. o. o. Džavida Haverića 7b, Sarajevo, upućena je poštom svim ponuđačima koji su blagovremeno dostavili ponude u predmetnom postupku, uz obezbjeđenje dokaza o prijemu odluke.

U Zapisniku o prijemu dokumentacije broj: 0101-7662-10-LOT.1./17 od 30. 03. 2017. godine Komisija za provođenje postupka zajedničke javne nabavke je utvrdila da je ponuđač MMCC d. o. o. Džavida Haverića 7b, Sarajevo dostavio sve dokaze o kvalificiranosti, koji su traženi tačkom 13.1. i 13.3. Tenderske dokumentacije.

Po isteku žalbenog roka, s obzirom da nije bilo žalbe, dana 10. 04. 2017. godine ponuđaču MMCC d. o. o. Džavida Haverića 7b, Sarajevo uz popratni akt dostavljena su 4 (četiri) primjerka ugovora na potpis.

Uvidom u knjigu Djelovodnog protokola Univerziteta u Sarajevu, utvrđeno je da je ponuđač MMCC d. o. o. Džavida Haverića 7b, Sarajevo, dana 26. 04. 2017. godine dostavio dopis, na kojem je otisnut prijemni štambilj Univerziteta u Sarajevu broj: 0105-2857/17.

Ponuđač MMCC d. o. o. Džavida Haverića 7b, Sarajevo je u navedenom dopisu naveo da vraća nepotpisane ugovore i da obavještava Univerzitet u Sarajevu da nije u mogućnosti da potpiše ugovore i izvrši isporuku ponuđene opreme iz razloga što nakon kontakata sa dobavljačima ne može ispoštovati uslove iz ugovora oko isporuke ponuđene opreme.

U vezi sa gore navedenim, koristeći se praksom iz ranije provedenih postupaka javnih nabavki, u kojima je Univerzitet u Sarajevu zatražio savjetodavnu pomoć Agencije za javne nabavke

BiH po pitanju dodjele ugovora drugorangiranom ponuđaču, Komisija za provođenje postupka zajedničke javne nabavke je razmotrila mišljenje Agencije za javne nabavke BiH da u nastupanju jednog od slučajeva navedenog u članu 72. stav (3) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača. U tom slučaju, ugovorni organ poziva drugorangiranog ponuđača da dostavi dokaze o kvalificiranosti, u istom roku koji je utvrđen u tenderskoj dokumentaciji. Dalje je navedeno da je članom 70. i 71. Zakona o javnim nabavkama definisan način dostave odluka, obavještenja i zapisnika o evaluaciji ponuda, te je na taj način svim ponuđačima dostupna informacija o rang listi ponuđača. Po mišljenju Agencije za javne nabavke, ako nastupi jedan od slučajeva iz člana 72. stav (3) Zakona, ugovorni organ to evidentira, te u skladu sa članom 72. stav (3) Zakona, dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača. Rok za dostavu dokaza o kvalificiranosti, koji ugovorni organ određuje drugorangiranom ponuđaču, mora biti isti kao i za ponuđača čija je ponuda bila najuspješnija, ali sa kojim nije zaključen ugovor iz razloga definisanog u članu 72. stav (3) Zakona.

Nadalje je Komisija za provođenje postupka zajedničke javne nabavke razmotrila pitanje postavljeno Agenciji za javne nabavke, a koje se odnosi na to da li se u Odluci o dodjeli ugovora drugorangiranom ponuđaču ostavlja pravo na žalbu i odgovor Agencije za javne nabavke da se u odluci o dodjeli ugovora drugorangiranom ponuđaču ne ostavlja pravo na žalbu. Mišljenje Agencije je da su obaveze ugovornog organa da nakon što zaključi ugovor, objavi obavještenje o dodjeli ugovora u sistem „e-nabavke“, te objavi odluku o dodjeli ugovora drugorangiranom ponuđaču i elemente iz ugovora na svojoj web stranici, na koji način svi ponuđači koji su učestvovali u predmetnom postupku javne nabavke raspoložu informacijama kome je dodijeljen ugovor.

Budžetom Projekta Erasmus + Projekat Re@WBC, za Univerzitet u Sarajevu planiran je iznos od 14.820,00 €, što preračunato u KM iznosi 28.985,40 KM bez PDV-a za nabavku opreme.

Ponuda drugorangiranog ponuđača PRINTEX d. o. o. Sarajevo iznosi 31.962,00 KM bez PDV-a, što prelazi iznos od 2.976,60 KM od odobrenog budžeta za ove namjene.

Koordinatori projekata sa Univerziteta u Sarajevu i Univerziteta u Istočnom Sarajevu su se dana 26. 04. 2017. godine obratili glavnom koordinatoru projekta Univerzitetu u Nišu sa pitanjem u vezi sa mogućnošću da se nedostajući dio sredstava za nabavku opreme namiri iz sredstava Projekta namjenjenih za staff costs.

Viditelj projekta Univerziteta u Nišu, prof. dr. Dragana Cvetković-Ilić, dostavila je pozitivan odgovor da se može dio sredstava namjenjenih za staff costs usmjeriti u nabavku opreme, ali do iznosa koji ne prelazi 10% od odobrenih sredstava za Equipment costs

Koordinatori projekata sa Univerziteta u Sarajevu i Univerziteta u Istočnom Sarajevu su se dana 27. 04. 2017. godine obratili i Nacionalnom Erasmus + uredu u Bosni i Hercegovini, sa istim pitanjem, od kojega su dobili upute za korištenje granta, koje sadrže informacije o transferu sredstava između budžetskih poglavlja projekta.

Uvidom u Anex I Ugovora, utvrđeno je da ukupan iznos za Equipment costs za Univerzitet u Sarajevu iznosi 21 820,00 EUR, tako da razlika u cijeni ponude drugorangiranog ponuđača (2.976,60 KM) u odnosu na odobrena sredstva za nabavku opreme ne prelazi 10% od odobrenih sredstava za Equipment costs.

Imajući u vidu sve navedeno koordinatori projekata su predložili da se predmetni postupak javne nabavke okonča donošenjem odluke o dodjeli ugovora drugorangiranom ponuđaču, a sve u cilju uspješnog okončanja postupka i uspješne realizacije projektu.

Na osnovu utvrđenog činjeničnog stanja, Komisija za provođenje postupka zajedničke javne nabavke je zaključila da je prvorangirani ponuđač MMCC d. o. o. Džavida Haverića 7b, Sarajevo dostavio nepotpisane ugovore, čime je odbio da zaključi ugovore pod uslovima navedenim u tenderskoj dokumentaciji i ponudi ponuđača.

Uzimajući u obzir navedeno činjenično stanje, Komisija za provođenje postupka zajedničke javne nabavke je dala rektoru Univerziteta u Sarajevu preporuku:

1. da donese odluku o poništavanju Odluke o izboru najpovoljnijeg ponuđača i dodjeli ugovora broj: 0101-7662-8-LOT.1./17 od 21. 03. 2017. godine, kojom se ugovor o javnoj nabavci robe-KOMPJUTERSKA OPREMA-LOT 1.-UNIVERZITET U SARAJEVU, dodijelio ponuđaču MMCC d. o. o. Džavida Haverića 7b, Sarajevo.

2. da u skladu sa članom 72. stav (3) tačka f) Zakona o javnim nabavkama Bosne i Hercegovine donese Odluku o dodjeli ugovora o javnoj nabavci robe-KOMPJUTERSKA OPREMA-LOT 1: UNIVERZITET U SARAJEVU, drugorangiranom ponuđaču PRINTEX d. o. o. Hasana Sušića 9 i 11, 71000 Sarajevo.

Iz gore navedenih razloga, u skladu sa članom 72. stav 3. tačka f) Zakona o javnim nabavkama BiH, prihvaćena je preporuka Komisije za javnu nabavku broj: 0101-7662-12-LOT 1./17 od 28. 04. 2017. godine, te je odlučeno kao u članu 1. i 2. ove Odluke.

Rektor

Prof. dr. Rifat Škrijelj



Dostaviti:

1. PRINTEX d. o. o. Hasana Sušića 9 i 11, 71000 Sarajevo
2. Prorektor za finansije
3. Generalni sekretar
4. Izvršni direktor
5. Rukovodilac Službe za računovodstvo i finansije UNSA
6. u evidenciju javnih nabavki
7. web stranica UNSA
8. a/a

Prilog: Zapisnik o evidentiranju odbijanja zaključenja ugovora